

§. 27. *de usur.* Ideo verum est, solas res corporales tradi posse, quia ipsæ solæ tangi possunt sui natura, §. 1. *de Rebus corporal.* & *incorporal.* & ideo etiam possideri, *L. 2. pr. de acquir. l. amitt. poss. L. 10. ff. si servitus vindicetur. L. 28 §. 5. Ex quibus causis majores.* In rebus verò incorporalibus patientia pro traditione est. *Stuck, Exercitat. Inst. part. 2. Decad. 4. assert. 8. Lit. E. Anton. de Amat. Resolut. 95. num. 20.*

Th. IV.

Est verò traditio vel vera & propria, quæ in rebus mobilibus fit de manu in manum: in rebus soli inductione in possessionem, ipso tradente & inducente, & quod ad ipsum decedente, *L. 78. §. fundum de contrab. emptione. L. 5. de vi & vi armata L. fundi 33. de acquir. poss.* vel ficta. Fictè variæ res traduntur. 1) Si quis rem quam tibi commodaverit, aut apud te deposuerit, postea ex aliqua alienationis causa suam esse patiatur. §. 44. *Inst. de R. D. L. 9. §. 1. L. 21. §. 1. de acquir. Rev. Dom.* 2) Si rem illam, quam mihi debes, aut aliam rem, in conspectu meo reponeere jubeam. *L. 79. de solut.* 3) Si debitorem meum jussero id, quod mihi debet ex causa alienandæ rei tibi tradere. *L. 15. pr. de rebus cred. L. 2. §. 21.*